



**Sud Bosne i Hercegovine**  
**Суд Босна и Херцеговина**

---

**Predmet broj: S1 2 K 019590 15 K**

**Datum objavljivanja: 10.09.2015. godine**

**Datum pismenog otpravka: 14.09.2015. godine**

---

**Pred vijećem u sastavu: sudija Tatjana Kosović, predsjednik vijeća**  
**sudija Branko Perić, član vijeća**  
**sudija Hasija Mašović, član vijeća**

**PREDMET TUŽILAŠTVA BOSNE I HERCEGOVINE**  
**protiv**  
**Agima Eljšanija**

---

**PRESUDA**

---

**Tužilac Tužilaštva Bosne i Hercegovine:**

**Dijana Kajmaković**

**Branilac optuženog Agima Eljšanija:**

**Ahmed Fejzić, advokat iz Sarajeva**

**Broj: S1 2 K 019590 15 K**

**Sarajevo, 10.09.2015. godine**

## **U IME BOSNE I HERCEGOVINE!**

Sud Bosne i Hercegovine, u vijeću sastavljenom od sudija Tatjane Kosović, kao predsjednika vijeća, i sudija Branka Perića i Hasije Mašović, kao članova vijeća, uz učešće pravnog savjetnika-asistenta Jelene Simić-Skoko, u svojstvu zapisničara, u krivičnom predmetu protiv optuženog Agima Eljšanija, zbog krivičnog djela organizovani kriminal iz člana 250. stav 2. Krivičnog zakona Bosne i Hercegovine (KZ BiH), u vezi sa krivičnim djelom neovlašteni promet opojnim drogama iz člana 195. stav 1. KZ BiH, povodom optužnice Tužilaštva BiH broj: T20 0 KTO 0008636 14 od 05.05.2015. godine, potvrđene dana 07.05.2015. godine, nakon održanog ročišta za razmatranje sporazuma o priznanju krivice i pretresa za izricanje krivičnopravne sankcije, u prisustvu tužiteljice Tužilaštva BiH, optuženog Agima Eljšanija i njegovog branioca, advokata Ahmeda Fejzića, dana 10.09.2015. godine, donio je i javno objavio

## **P R E S U D U**

### **Optuženi:**

**AGIM ELJŠANI**, zvani Gimi, sin Ramadana i majke Adile, rođene Bitići, rođen 29.04.1963. godine u mjestu Sopina, opština Suva Reka, Kosovo, po narodnosti ..., državljanin ..., posjeduje pasoš R. Kosovo broj: ... na ime Elshani Agim, oženjen, otac dvoje djece od kojih je jedno maloljetno, po zanimanju trgovac, završio poljoprivredni fakultet, nezaposlen, lošeg imovnog stanja, JMBG: ..., nastanjen u Bihaću, u ulici Splitska broj 8., ranije osuđivan od strane suda ...

## **K R I V J E**

### **Što je:**

Kao pripadnik pristupio grupi za organizovani kriminal koju je u smislu člana 1. stav 20. KZ BiH, u periodu od mjeseca jula do polovine decembra 2014. godine organizovao i kojom je rukovodio A.L. a kojoj grupi za organizovani kriminal su kao pripadnici pristupili i N.M.,

H.M., N.P., V.M., V.D. i druge njima poznate osobe, među kojima J.G., M.H., Z.S., V.V., J.S., D.J., osoba po imenu „A“, osoba po imenu „N“ koja grupa je organizovana radi neovlaštene međunarodne kupoprodaje, prijenosa, prevoza, držanja, posredovanja u daljnjoj međunarodnoj prodaji, uvoza i izvoza, slanja i isporuke opojne droge „heroin“ i „skank“, koje opojne droge su *Konvencijom o psihotropnim supstancama od 1971. godine i Rješenjem o popisu općjnih droga ("Službeni list R BiH" br. 2/92 i 13/94)* proglašene opojnim drogama i čiji se promet može obavljati samo na temelju dozvole nadležnog organa u skladu sa *Zakonom o proizvodnji i prometu općjnih droga ("Službeni list RBiH" br. 2/92 i 13/94)* i čiji je promet zabranjen odredbama *Zakona o sprječavanju i suzbijanju zloupotrebe općjnih droga ("Službeni glasnik BiH" broj 8/06)* sa područja R. Makedonije, R. Srbije i Kosova na područje BiH, kao i sa područja BiH u R. Srbiju, pa su u BiH opojnu drogu „heroin“ miješali sa odgovarajućim supstancama radi uvećanja njene mase, te nakon toga prodavali navedene opojne droge kako na teritoriji BiH tako i na teritoriji R. Srbije njima poznatim osobama, pa je tako grupa za organizovani kriminal, vršila naprijed pobrojane radnje, i to tako što je:

#### **1. / tačka 1. optužnice / AGIM ELJŠANI**

##### **/zajedno sa A.L., M.N., M.H., J.G. i drugim njima poznatim osobama/**

U periodu od sredine pa do kraja mjeseca jula 2014. godine A.L. organizovao nabavku, promet, prevoz, distribuciju i prodaju opojne droge „heroin“ i „skank“ na način da je angažovao N.M. i M.H. da prevezu opojnu drogu „heroin“ i „skank“ sa teritorije Kosova u BiH, pa su tako N.M. u svom putničkom motornom vozilu „Golf A3“ sive boje, reg.oznaka: E71-A-124 i M.H. putničkim motornim vozilom „Mercedes“ žute boje, reg.oznaka: E60-T-828, u različitom vremenu i putnim pravcima napustili BiH i otišli na teritoriju Kosova gdje su prema stalnim telefonskim uputama A.L. na njima poznatim mjestima preuzeli ranije dogovorenu količinu opojne drogu „heroin“ u količini između 0,5 kg do 1 kg kao i opojnu drogu „skank“ u količini od najmanje 1,5 kg, a koje opojne droge su preuzeli od njima poznatih osoba, nakon čega su tako preuzete opojne droge isti prevezli na teritoriju BiH nakon čega od njih A.L. preuzima iste i drži u jednom od iznajmljenih stanova u Sarajevu u naselju Tibra – Stup, objekat C2, ulaz B, sprat br. 4/18 vlasnika Mersihe Malićević ili u stanu u objektu A2, ulaz A br. 2. na prvom spratu vlasništvo Senada Terovića, da bi A.L. u cilju daljnje prodaje opojne droge „heroin“ ostvarivao dalje telefonske kontakte sa Agimom Eljšanijem iz Bihaća koji dalje angažuje i šalje u Sarajevo J.G. iz Bihaća, koji sa još jednom njemu poznatom osobom u jednom od iznajmljenih stanova A. L. na naprijed

navednoj adresi, opojnu drogu „heroin“ miješa sa odgovarajućim supstancama radi povećanja njene količine, pa nakon što su izmiješali opojnu drogu „heroin“ J.G. obavještava telefonskim putem Agima Eljšanija o kvalitetu predmetne opojne droge, pri čemu dogovaraju kupovinu 700 grama predmetne opojne droge kao i novčani iznos za istu, pa potom ovu dogovorenu količinu opojne droge „heroin“, prema daljnim uputama A.L., preuzima N.M. i smješta je u svoje pmv „Golf A3“ i prevozi u Bihać, dok su prema uputama A.L., J.G. i njemu poznata osoba krenuli u pravcu Bihaća dok im je u susret iz Bihaća krenuo u iznajmljenim putničkim motornim vozilom „Peugeot 308“ crvene boje Agim Eljšani kako bi predao novac za predmetnu opojnu drogu sa kojim su se potom susreli u Jajcu u ugostiteljskom objektu „Vozač“ gdje je Agim Eljšani dao dio novca za opojnu drogu „heroin“ njemu poznatom licu i vratio se nazad u Bihać zajedno sa J.G. dok se A.L. poznata osoba, nakon što je preuzela novac u Jajcu, vratila nazad u Sarajevo i predala mu isti, pri čemu je N.M. po dolasku svojim putničkim motornom vozilom u Bihać, prema uputama A.L., opojnu drogu „heroin“ predao J.G., te se po izvršenoj predaji opojne droge vratio nazad u Sarajevo

**Dakle**, u cilju sticanja protivpravne imovinske koristi, postao pripadnik grupe za organizovani kriminal, te je kao pripadnik iste učestvovao u radnjama opisanim u tački 1. izreke presude /tačka 1. optužnice/ radi dalje neovlaštene međunarodne kupoprodaje, prijenosa, prevoza, uvoza i izvoza opojne droge

**Čime je** počinio krivično djelo Organizovani kriminal iz člana 250. stav 2. KZ BiH u vezi sa krivičnim djelom Neovlaštene promet opojnim drogama iz člana 195. stav 1. KZ BiH.

Pa ga Sud, na osnovu navedenih zakonskih propisa, te odredaba sporazuma o priznanju krivice, uz primjenu odredaba članova 39., 42., 49. i 50. stav 1. tačka b. KZ BiH

## **O S U Đ U J E**

### **NA KAZNU ZATVORA U TRAJANJU OD 1 /JEDNE/ GODINE**

Na osnovu člana 56. KZ BiH, optuženom se u izrečenu kaznu zatvora ima uračunati vrijeme provedeno u pritvoru počev od dana lišenja slobode 11.12.2014. godine pa nadalje.

Na osnovu člana 74. KZ BiH, od optuženog se oduzimaju predmeti koji su korišteni u

izvršenju krivičnog djela i to: mobilni telefon marke "Sony XPeria", bijele boje, IMEI: 351710053010349 sa pripadajućom SIM karticom i četiri SIM kartice serijskih brojeva: "Vala" 8937701010034134854, "Telenor" 38101120719737170 i "Ipko" 109012288057 i 8938701060032960626, privremeno oduzeti po Potvrdi o privremenom oduzimanju predmeta Državne agencije za istrage i zaštitu broj: 16-04/2-69/14 od 11.12.2014. godine a koji će se po pravosnažnosti presude uništiti.

Na osnovu člana 188. stav 1. Zakona o krivičnom postupku BiH, optuženi se obavezuje da nadoknadi troškove krivičnog postupka o čijoj će visini Sud odlučiti posebnim rješenjem nakon što pribavi potrebne podatke, kao i troškove krivičnog postupka koji se odnose na sudski paušal u iznosu od 100,00 KM, u roku od 15 dana od dana pravosnažnosti presude.

## **O b r a z l o Ź e n j e**

### **1. Optužba**

Tužilaštvo BiH je dana 05.05.2015. godine, podiglo optužnicu broj: T20 0 KTO 0008636 14 kojom je, između ostalih, optužilo Agima Eljšanija za izvršenje krivičnog djela organizovani kriminal iz člana 250. stav 2. KZ BiH u vezi sa krivičnim djelom neovlašteni promet opojnim drogama iz člana 195. stav 1. KZ BiH.

Na ročištu za izjašnjenje o krivici održanom dana 05.06.2015. godine, optuženi se izjasnio da nije kriv za izvršenje predmetnog krivičnog djela, nakon čega je predmet upućen sudećem vijeću radi zakazivanja glavnog pretresa.

### **2. Sporazum o priznanju krivice**

Nakon što je u ovom postupku započeo glavni pretres, Sudu je dana 24.08.2015. godine, dostavljen sporazum o priznanju krivice zaključen istog dana između optuženog Agima Eljšanija i njegovog branioca, advokata Ahmeda Fejzića, s jedne, i Tužilaštva BiH, s druge strane. Navedenim sporazumom, optuženi Agim Eljšani priznaje krivicu za izvršenje krivičnihopravnih radnji opisanih u tački 1. navedene optužnice a koje su pravno kvalifikovane kao krivično djelo organizovani kriminal iz člana 250. stav 2. KZ BiH u vezi sa krivičnim djelom neovlašteni promet opojnim drogama iz člana 195. stav 1. KZ BiH.

Optuženi sporazumom prihvata da mu se za počinjenje navedenog krivičnog djela izrekne kazna zatvora u trajanju od 1 /jedne/ godine do 1 /jedne/ godine i 5 /pet/ mjeseci.

### **3. Razmatranje sporazuma o priznanju krivice**

Na ročištu za razmatranje sporazuma o priznanju krivice, održanom dana 10.09.2015. godine, Sud je provjerio i utvrdio, u smislu odredbe člana 231. Zakona o krivičnom postupku BiH, da je do zaključenja sporazuma došlo dobrovoljno, svjesno i sa razumijevanjem, da je optuženi upoznat sa mogućim posljedicama zaključenja sporazuma, da se time odriče prava na suđenje i da ne može uložiti žalbu na krivičnopravnu sankciju, uključujući i posljedice vezane za troškove krivičnog postupka. Ispitano je i da li je predložena krivičnopravna sankcija u skladu sa odredbama stava 3. člana 231. ZKP BiH.

Prilikom odlučivanja Sud je zaključio da je optuženi razumio da se sporazumom odriče prava na suđenje. Optuženi je pregovarao o krivici sa Tužilaštvom BiH u prisustvu svog branioca, tako da je imao adekvatnu pravnu pomoć. Pored toga, optuženi je pred Sudom nedvosmisleno potvrdio da je upoznat sa svim zakonskim posljedicama zaključenja sporazuma koje su mu od strane Suda neposredno predočene.

Razmatrajući navedeni sporazum, a nakon što je utvrdio da postoji dovoljno dokaza o krivici optuženog, Sud je prihvatio sporazum o priznanju krivice.

### **4. Dokazni standard**

Standard "dovoljno dokaza", koji zakonodavac propisuje kao uslov za prihvatanje sporazuma, Sud je utvrdio na osnovu priznanja optuženog i dokaza uložениh na ročištu za razmatranje sporazuma (dokazi nabrojani u anex-u koji je sastavni dio presude), a koji su obrazloženi od strane Tužilaštva BiH i na koje odbrana nije imala prigovora.

### **5. Krivična sankcija**

Nakon ocjene svih činjenica i okolnosti koje su odbrana i tužiteljica iznijeli i obrazložili na

ročištu za izricanje krivičnopravne sankcije, Sud je prihvatio sporazumom dogovorenu krivičnopravnu sankciju.

Prihvativši prijedlog iz sporazuma, Sud je optuženog osudio na kaznu zatvora u trajanju od po 1 /jedne/ godine, našavši da je izrečena kazna zatvora srazmjerna težini počinjenog krivičnog djela i stepenu krivične odgovornosti optuženog, te da će se istom ostvariti svrha kažnjavanja na način da se utiče na optuženog da ubuduće ne čini krivična djela (specijalna prevencija), te da se utiče i na ostale da ne čine krivična djela (generalna prevencija), uz uvjerenje da će ista imati uticaj i na svijest građana o društvenoj opasnosti krivičnih djela i o pravednosti kažnjavanja učinilaca.

Od olakšavajućih okolnosti na strani optuženog, Sud je cijenio prije svega iskreno priznanje i izraženo kajanje zbog izvršenja krivičnog djela, da je priznanjem krivice i zaključivanjem sporazuma sa Tužilaštvom BiH u ranijoj fazi postupka optuženi doprinio bržem i efikasnijem okončanju predmetnog krivičnog postupka na koji način je ispoštovano i načelo ekonomičnosti, ali ne na štetu pravilnosti i zakonitosti odluke. Sud je kao olakšavajuće cijenio i okolnosti da je optuženi porodičan čovjek, otac dvoje djece od kojih je jedno maloljetno, da je nazaposlen i slabog imovnog stanja. Sud smatra da olakšavajuće okolnosti na strani optuženog u svojoj sveukupnosti ispunjavaju standard „*naročito olakšavajućih*“ i daju osnov za zaključak da će se u konkretnom slučaju i s ublaženom kaznom zatvora postići svrha kažnjavanja. Kao otežavajuću, Sud je cijenio činjenicu da je optuženi i ranije osuđivan, istovremeno cijeneći da nije osuđivan zbog istog ili istovrsnog djela.

## **6. Uračunavanje pritvora u izrečenu kaznu**

U skladu sa članom 56. KZ BiH, Sud je optuženom Agimu Eljšaniju u izrečenu kaznu zatvora uračunao vrijeme provedeno u pritvoru i to od 11.12.2014. godine pa nadalje.

## **7. Odluka o oduzimanju predmeta**

S obzirom na obaveznu primjenu mjere bezbjednosti oduzimanja predmeta iz člana 74. KZ BiH, Sud je od optuženog Agima Eljšanija trajno oduzeo predmete privremeno oduzete

po Potvrdi o privremenom oduzimanju predmeta Državne agencije za istrage i zaštitu broj: 16-04/2-69/14 od 11.12.2014. godine i to: mobilni telefon marke "Sony XPeria", bijele boje, IMEI: 351710053010349 sa pripadajućom SIM karticom i četiri SIM kartice serijskih brojeva: "Vala" 8937701010034134854, "Telenor" 38101120719737170 i "Ipko" 109012288057 i 8938701060032960626, a koji predmeti su upotrijebljeni u izvršenju krivičnog djela i koji će se po pravosnažnosti presude uništiti.

## **8. Troškovi krivičnog postupka**

Na osnovu člana 188. stav 1. ZKP BiH, Sud je optuženog obavezao da nadoknadi troškove krivičnog postupka o čijoj će se visini odlučiti posebnim rješenjem nakon što pribavi potrebne podatke, kao i sudski paušal u iznosu od po 100,00 KM, u roku od 15 dana od dana pravosnažnosti presude. Ovakvu odluku Sud je donio obzirom da Sudu nisu predloženi dokazi iz kojih bi se moglo pouzdano utvrditi da je imovno stanje optuženog loše i da bi plaćanjem troškova krivičnog postupka izdržavanje optuženog i osoba koje je dužan izdržavati, bilo dovedeno u pitanje.

**Zapisničar**

**Pravni savjetnik-asistent**

**Jelena Simić-Skoko**

**PREDSJEDNIK VIJEĆA**

**SUDIJA**

**Tatjana Kosović**

**POUKA O PRAVNOM LIJEKU:** Protiv ove presude nije dozvoljena žalba na izrečenu krivičnopravnu sankciju, dok se iz drugih razloga žalba može podnijeti u roku od 15 dana od dana dostavljanja pismenog otpavka presude, Apelacionom odjeljenju ovog Suda. Žalba se podnosi u dovoljnom broju primjeraka.

## ANEX

Naredba Suda BiH broj: S1 2 K 016635 14 Krn 24 od 09.12.2014. godine za pretres osumnjičenog Agim Eljšani uz: Izvještaj o preduzetim mjerama i radnjama Državne agencije za istrage i zaštitu broj: P-16-04/2-04-1-424/14-46 od 11.12.2014. godine; Zapisnik o pretresanju stana, drugih prostorija i pokretnih stvari Državne agencije za istrage i zaštitu broj: 16-04/2-46/14 od 11.12.2014. godine koje koristi Agim Eljšani; Potvrda o privremenom oduzimanju predmeta Državne agencije za istrage i zaštitu broj: 16-04/2-69/14 od 11.12.2014. godine na ime Agim Eljšani, Izvještaj o počinjenom krivičnom djelu i izvršiocima Državne agencije za istrage i zaštitu broj: P-16-04/2-04-1-424/14-KU-35/14-151/14 od 12.12.2014. godine sa prilogom Pregled prelaska granice BiH za period od 17. do 01.12.2014.godine; Dopuna Izvještaja o počinjenom krivičnom djelu i izvršiocima Državne agencije za istrage i zaštitu broj: P-16-04/2-04-1-424/14-KU-35-1/14 od 04.02.2015. godine; Naredba Suda BiH broj: S1 2 K 016635 14 Krn od 11.07.2014. godine; Naredba Suda BiH broj: S1 2 K 016635 14 Krn 3 od 18.07.2014. godine; Naredba Suda BiH broj: S1 2 K 016635 14 Krn 4 od 11.08.2014. godine; Naredba Suda BiH broj: S1 2 K 016635 14 Krn 6 od 27.08.2014. godine; Naredba Suda BiH broj: S1 2 K 016635 14 Krn 7 od 11.09.2014. godine; Naredba Suda BiH broj: S1 2 K 016635 14 Krn 8 od 17.09.2014. godine; Naredba Suda BiH broj: S1 2 K 016635 14 Krn 9 od 23.09.2014. godine; Naredba Suda BiH broj: S1 2 K 016635 14 Krn 10 od 25.09.2014. godine; Naredba Suda BiH broj: S1 2 K 016635 14 Krn 12 od 14.10.2014. godine; Naredba Suda BiH broj: S1 2 K 016635 14 Krn 13 od 22.10.2014. godine; Naredba Suda BiH broj: S1 2 K 016635 14 Krn 14 od 10.11.2014. godine; Naredba za provođenje posebne istražne radnje Državne agencije za istrage i zaštitu broj: P-16-04/2-04-1-424/14 od 17.11.2014. godine; Naredba Suda BiH broj: S1 2 K 016635 14 Krn 15 od 17.11.2014. godine; Naredba Suda BiH broj: S1 2 K 016635 14 Krn 16 od 18.11.2014. godine; Naredba Suda BiH broj: S1 2 K 016635 14 Krn 17 od 19.11.2014. godine; Naredba Suda BiH broj: S1 2 K 016635 14 Krn 19 od 28.11.2014. godine; Naredba Suda BiH broj: S1 2 K 016635 14 Krn 21 od 05.12.2014. godine; Naredba Suda BiH broj: S1 2 K 016635 14 Krn 22 od 09.12.2014. godine; Naredba Suda BiH broj: S1 2 K 016635 14 Krn 23 od 09.12.2014. godine; Naredba Suda BiH broj: S1 2 K 016635 14 Krn 31 od 24.12.2014. godine; Naredba Suda BiH broj: S1 2 K 016635 15 Krn 33 od 21.01.2015. godine; Pregled provođenja posebnih istražnih radnji za tačku 1. od 04.12.2014. godine sa jednim CD-om sa oznakom 1., Prevod – predmet „Oskar“ tačka 1. sudskog tumača za albanski jezik Aferdita Kalabić od 12.02.2015. godine uz 1 CD-e sa oznakom „Oskar“ prilog: tačka 1.; Zapisnik o ispitivanju osumnjičenog Eljšani Agima Tužilaštva BiH broj: T 20 0 KTO 000 8636 14 od 11.12.2014. godine, uz punomoć advokata od 11.12.2014. godine; Izvještaj iz kaznene evidencije za Eljšani Agima, Republika Srbija - MUP Koordinaciona uprava za KiM, Policijska uprava za Prizren 03/18/5 broj: PU-29/2015 od 04.03.2015. godine IKM Kruševac; Zapisnik o saslušanju svjedoka Kujača Igora, Tužilaštvo BiH broj: T 20 0 KTO 000 8636 14 od 08.04.2015. godine; Zapisnik o saslušanju svjedoka Vitković Marka, Tužilaštvo BiH broj: T 20 0 KTO 000 8636 14 od 27.03.2015. godine; Zapisnik o saslušanju svjedoka „A“, Tužilaštvo BiH broj: T20 0 KTO 0008636 14 od 16.02.2015. godine: 1 redigovan fco primjerak za odbranu i optužene; Nalaz i mišljenje daktiloskopskog vještačenja Federalna uprava policije, Centar za forenzičku i informatičku podršku Sarajevo broj: 10-15-04-5-

6409/14 od 02.02.2015. godine uz grafički prikaz daktiloskopskog vještačenja sa priložima - daktiloskopski kartoni: Ali Lokaj, Mehović Hakija, Muharemi Nijazi, Planinčić Nermin, Eljšani Agim; Naredba za daktiloskopsko vještačenje i DNK vještačenje Tužilaštva BiH broj: T 20 0 KTO 000 8636 14 od 27.01.2015. godine; Nalaz i mišljenje provedenih hemijskih vještačenja, Federalna uprava policije, Centar za forenzičku i informatičku podršku Sarajevo broj: 10-15-04-5-6409 od 08.01.2015. godine; Naredba za hemijsko vještačenje i uzimanje tragova Tužilaštva BiH broj: T 20 0 KTO 000 8636 14 od 23.12.2014. godine; Izvještaj o vještačenju dokaznog materijala (laptop, SIM kartice i mobiteli) Državna agencija za istrage i zaštitu broj I-16-10/2-04-1-424-269/14 od 15.04.2015.god. sa prilogom: 5 CD-ova i vještačeni dokazni materijal; Naredba za vještačenje mobilnih telefona, telefonskih SIM kartica i ostalih uređaja Tužilaštva BiH broj: T 20 0 KTO 000 8636 14 od 26.12.2014. godine

Anex je sastavni dio presude.